



水會清暇  
錄

飛鴻堂藏板





序



都水之官昉於西漢少府甘泉

上林三輔皆有之而劉子政以

護三輔都水典校祕書故其

名特著魏晉尚書省始置直水

部郎至唐定六部請曹水



却實居二十四日之殿而東  
坡有詩人例作水曹郎之  
句居斯職者世多豔羨之則  
以何仲言張文昌之故豈非官  
以人重之故乎汪初庵先生  
新安山水之邦擁書百城專

意撰述及含香郎署以務之  
暇文室蕭然鉛槧不去手請  
告南歸宴坐錦潭山館觴  
詠之樂不減朝川以游吳中  
步所撰水曹清暇錄屬為商  
訂其體裁本於龐氏文昌雜錄



而間及時賢詩詞則又盡能改  
齋若溪漁隱之長洵所謂才  
大無所不有也水部今稱每  
劇之日趨直畫說句稽握  
算常苦日不暇給而初庵行  
所至事游刃有餘且後留心

學政適言必察識大識小是補  
孫耳伯朱錫曾諸公之所未  
備蓋由根柢深厚自在流出  
故不以事之繁簡而或妨著  
作之功嘗其杭志希古悠然  
有會視八座令僕石足以易吾



好而後之讀是書者又將援以  
備水曹故事都水君之名其  
將不專美於西京矣夫

乾隆五十有七年歲在元默困

敦二月八日嘉定弟錢大昕

採手



水曹清暇錄卷一



古歛訥莽汪啓淑述

都水司執掌天下海塘河渠橋梁道路織造船  
政藏冰器用關稅之事凡水利曰灌溉其竹木  
卷埽以時修其閘壩礎淺堰圩隄防護蓄洩以  
備旱潦舟楫礎碾不得與灌田爭利灌田者不  
得與漕運爭利役以農隙凡鱗介荏蒲之利聽  
民取而薄征其租凡道路塞其坑坎凡橋梁曰  
舟梁曰石渠計工力而創修其大津不能梁者



官給舟人量其大小難易而食之凡船有曰糧  
船曰茅栲船曰江山船曰明堂船曰河馬船曰  
河糧船曰塘船曰麻陽船曰茅篷船曰使客船  
曰六撓船曰小木船曰戰船曰哨船曰舳犁船  
曰趕繒船曰雙篷船曰唬船曰快哨船曰沙船  
曰八槳船曰柳船曰浚船曰拖風船曰平底槳  
船曰紅船曰花座船曰槳船曰擺馬船曰八槳  
哨船曰六槳船曰四槳船曰大艍船曰京報哨  
船曰巡船曰小艍船曰巡江船曰水艍船曰釣

船曰艍船曰艍仔船曰烏舢船曰黃快船曰紅  
馬船曰宣樓船曰仙船曰便民船曰杉板頭哨  
船曰小船曰小巡船曰快哨巡船曰海哨巡船  
曰雙篷船曰大舳船曰六櫓船曰兩櫓槳船  
曰四櫓船曰八櫓船曰一櫓槳船曰急跳槳船  
曰快槳船曰舳船曰舳船曰快馬船曰樓  
唬船曰救生船曰座船曰跼船凡數十種皆會  
其財下諸司核其成造修理斟酌多寡久近勞  
逸而均劑之凡織造誥敕制帛移江寧織造辦



水曹清明錄 卷一 二  
理而慎節之其藏冰以備祭祀以給各署解炎  
之需至于表匣厨櫃各處應用器皿皆屬本司  
成造移送各關木稅報銷查核有無短少荆關  
抽分差遣等事

營繕司掌經營興造之事凡直省城垣廨署倉  
庫營房皆歸稽核至於張家灣木稅及琉璃窑  
黑窑廠皆所司焉

虞衡司掌山澤採捕厲禁陶冶銅鉛採取東珠  
及軍器軍裝之類

屯田司掌管防護各省古聖先賢陵墓祠廟以  
及 東陵 西陵寢歲修工程及木柴煤炭等  
項本部各司員陞遷公費

宗室塞爾赫字慄菴號曉亭又號北阡季子官  
至少司馬酷嗜詩與蒲城屈悔翁長洲馬授疇  
交契所著有曉亭詩鈔四卷今錄其最佳者數  
篇以傳之車遙遙樂府云采蓮莫剖心剖心傷  
懷抱伐木莫爲車爲車馳遠道寧辭閨閣寒但  
恨顏色好日暮獨徬徨修途漫漫浩浩安得夢中



身化作輪邊草春暮放舟惠河詩云吹袖涼風  
起白蘋荻芽蒲葉逐時新頻看烟景忘陳跡近  
識鳧鷖是故人草色踏殘隄上月柳陰閒息夢  
中身愛他呱呱長河水不遇桃花亦問津次韻  
胡雲村九日詩云沈澍霜氣兆嚴冬客子衣裳  
孰與縫耐冷青松矜晚節妬花紅葉勝春濃西  
風斷續橫空雁遠寺蕭條隔浦鐘誰念江南老  
桑苧吟肩瘦削聳雙峯柝聲詩云一晌嚴城閉  
迢遙遍九達清隨霜氣迥繁雜漏聲移思婦未  
眠夕寒螢已斷時頻來驚短夢不管夜何其荆  
卿墓詩云身入虎狼國心空百二州壯懷生死  
外易水古今流白日澹將夕行人去不留採蘋  
向寒渚孤種野花秋

宏善寺在東安門外前明正德年建兩壁有禹  
之鼎畫陳奕禧書畫鶴賦今已剝蝕惟賦幸得  
顯親王摹勒上石尙存寺中可搨

刑部北監乃前朝鎮撫司舊地有老槐直幹叅  
天相傳明椒山公手植



具瞻亭在禮部川堂後蓋題名碑亭也明桂洲  
夏相國言銘云奕奕乎亭巖巖乎石迺築迺構  
以磨以勒其勒伊何名氏爵里其構伊何蔽蓋  
風雨匪石弗久匪亭弗固適觀厥成顯晦有數  
茲石茲亭庶幾永傳名實昭昭百世具瞻至今  
尙存

慶豐閘在東郊王家莊離大通橋八里至元二  
十九年建設主事一員以司啓閉嘉靖七年於  
通州置郎中一員遂裁主事之缺

文信公祠在順天府學西明初北平按察司副  
使劉崧請建然是儒者像正統間順天府尹王  
賢奏易丞相冠服景泰中賜諡忠烈至今歲時  
祭享焉

寶坻縣有古石幢康熙十八年幢忽傾碎內有  
銀匣一具長五寸許窄二寸中藏佛牙二長寸  
五分重修時仍納幢內

後門鼓樓定夜每晚擊鼓一百八聲盧溝橋兩  
邊石獅共計三百六十八個



漢軍高其倬字章之官至大司農所著有味和  
堂集頃偶披閱因摘最佳者錄之其效溫飛卿  
體曉仙謠云明星出地月墮城白河斜掛西南  
楹丁冬細漏咽殘響蘭缸短焰青熒熒隆準翁  
孫赤龍子夜看真圖倦朝起身輕夢入蓬萊官  
弱海三千一杯水七曜迴光照玉堂倒持北斗  
傾天漿綠華舞落玉條脫醒聞墜地聲鏘鏘半  
尺璫籤報天曙宮女起收仙掌露通侯更拜白  
茅人歲星却入中郎署其客意云客意全同倦  
馬慵鄉心更較濁醅濃年年雲岫虛前約處處  
天涯有去蹤雨氣且從滋細草鶴情只解憶長  
松連朝旅榻延新爽頻夢灤東水外峯其曉過  
長新店詩云歲鼓催年急春風破凍遲山容明  
遠雪柳意靜寒枝客黯傷離後村喧上集時鄉  
心重無那前路有青旗頗有唐人聲韻  
皇史宬有大蜥蜴長約四五尺風清月朗之夕  
常出遊焉足跡大如飯盃故歲中無鼠患至今  
尚存



馬柳泉賣子嘆云貧家有兒貧亦嬌骨肉恩重  
那可拋饑寒生死不相保割腸賣兒爲兒曹臨  
門一別何時見徧拊兒身舐兒面有命豐年來  
贖兒無命九泉長抱戀卽木石腸吳兒讀之應  
亦憮然陶柴桑云此亦人子也願役人者時留  
意焉

工部節慎庫前有捧日亭其亭額相傳爲嚴嵩  
所書至今尙存

固安縣內奎星樓東簷磚上宛然有一手跡相  
傳爲魯班遺事云見樓勢欹傾以手按之遂留  
跡焉

查浦輯聞載 國初諸大臣乘輿呵護雙藤擁  
扇丙戌戒輿藤惟擁扇丁亥禁扇背燭籠題銜  
壬辰冬聽乘輿呵殿藤扇俱如故近時大臣雖  
乘輿設雙藤然不擁扇至各部曹咸乘騾車并  
無掌扇燭籠筍輿矣

良鄉縣去順天府西南七十里漢時名廣陽唐  
改固節亦稱鹽溝又名濶溝東南數省入都之



咽喉也

山西翼城縣北鄉石姑山上有巨石相傳昔時龍女入此石中故縫有莎草長數尺云係龍女之髮天旱梳之輒雨虞衡司郎中孟氏補亭爲予說

松鴉產熱河狀似鸚鵡而稍大毛色深絳翅尖點翠尾黑畜久亦能學人言語

西華門內宏仁寺元人劉蘭所塑三清像頗奇古外城西南隅聖安寺殿壁明商喜所畫亦幽

幻可翫

西頂住持釋實濟號蓮筏江蘇某縣人通禪悅工詩曾見其和文衡山落花詩十篇頗清新漫錄其四於此其一云奈可穠華便索然胷空如繡影綿聯非關瘦骨同寒月大抵春光總逝川達者自知香草外賞心不著綺羅前翻憐未了盈虛理將謂飄零又一年其二云綴將珠顆滿雲叢一舞霓裳便曳紅狂蝶尙然窺色相靈禽早已悟虛空講堂不盡生香雨古殿無人墮曉



水曹清明金 卷一  
風閒煞上方雙檜影婆娑籠日寂寥中其三云  
值此芳時景最幽綠陰無恙鳳池頭寒添鎖黛  
三分恨暖趁飄香一段愁歌串平原心悄悄日  
斜深院思悠悠風光不爲孤吟減腸斷春枝滿  
月樓其四云空濛香霧杳無聲繡石參差疊滿  
盈一片好風來席上半規淡月隔簾明短檠夢  
破雖無意長笛歌殘太不情擬把高懷證千古  
鞦韆川圖畫屬柴荆  
琴泉戴員外世佐同府休寧人也愛收書畫頃

過其寓出示趙松雪墨筆馬圖高房山仿米山  
水文徵明著色疎林高逸圖水墨猫圖俱佳而  
疎林高逸圖尤妙欵云正德庚辰歲秋八月望  
後寫疎林高逸圖徵明後祝希哲題詩云閒尋  
新句度前山秋老疎林落日間何處清聲奏  
築空巖高澗玉潺潺甚愜予懷因漫識之  
鐵選君保號冶亭滿洲正黃旗人壬辰進士歷  
官吏部郎中能詩梓有虛閒堂稿一冊雖不多  
然頗有健句漫錄五字數聯於此其道中詩云



寒砧敲客夢，敗葉亂秋心。沙連遙水白，雲接斷山青。晚行山中詩云：石形參魅影，虎目誤村燈。漂母詩云：百年雄主業，一飯婦人功。古北口詩云：斷霞垂澗沒，隙月劃林來。其樂府七古才氣甚高。

雍正八年正月二十日卯時，有鳳凰集於房山石梯兒溝山峯上，高約五六尺，尾長丈許，五色具備，文彩絢爛，竚立踰時，向東北翱翔而去。見畿輔通志。

甘茶老人鍾太安人，蔣心畬太史母氏也。壺德素著，兼工文章，贈公非磷先生常出游太史生。四齡太安人口授四子書及唐詩，以幼不能執筆，太安人乃鏤竹枝爲絲，斷之詰屈作波磔點畫，日教合之成字，以慈母而兼嚴父。丸熊畫荻，備歷艱辛，所著柴車倦游集，不輕以示人。余固請於太史，因得選十餘篇入擷芳集，然美不勝收，漫摘數聯附載於此。其游赤壁云：一官團練使，兩賦好文章。黃鶴樓云：文字風猶壯，江山氣



不磨采石磯云山靜羣峯定江流萬派喧金陵  
云一片風流地千秋醉夢餘杭州云趙家孤屨  
託錢氏土先還揚州云那見人騎鶴空煩蟻慕  
羶真名句也

豐潤縣所製聚頭扇凡常行油紙面遍滿市肆  
其佳品糊以高句麗鏡面楮繪畫人物五綵絢  
爛扇邊竹骨亦嵌以象牙瑋渠然極庸俗每柄  
取值數金時人尙之殊不可解

滿洲正紅旗閨秀某有句云昨從玉螻橋邊過  
荷葉香來不讓花成孝廉桂爲予述

南海子大關帝廟有大垂絲海棠二樹其身合  
抱蔭廣幾及一畝開時渾似花塔修門海棠無  
出其右愍忠寺誠不足道矣

正陽門前多買眼罩輕紗爲之蓋以蔽烈日風  
沙勝國舊例遷客辭闕時以眼紗蒙面今則無  
所忌也

除夕昏黃時取大黑魚一尾小者用二三尾煮  
湯浴小兒遍體須七竅俱到可免出痘不可嫌



腥而另以清水灌濯如不信試留一足一手不洗他時痘多出在不洗處此方異人所傳毋以易而忽視之

元寶觀中有一栢枯瘁歲久長春真人邛處機路過獨樂邨外起而摩之明年春其柯葉復生鬱茂如故趙鑄有活死栢碑記

京師蘋果乾天津蟹脯雖能行遠殊失本來風味惟哈密瓜則乾者反甜於鮮者定西大將軍誠謀英勇阿公桂平金川索諾木

凱旋四十一年四月二十六日 上郊勞於良

鄉縣在京王貝勒公侯漢大學士各官皆從次朝黎明 上詣郊勞臺臺中供得勝大纛對

天行禮諸王大臣將軍及隨征將士皆隨行禮上御皇亭寶座鴻臚寺引大將軍等朝見賜

坐在京王大臣於東邊將軍并有功兵弁等子西邊設青布幄卽本司所辦者各賞奶子茶一

甌禮畢回京

三河縣洵河紅娘子屢為水患後鑿一石和尚



在永濟橋側酷肖僧形高尺許西向以鎮之遂  
得宴安故洵河又名紅娘子港

京中招牌有人戲集成聯者漫錄數則于此甘  
露齋祖傳狗皮膏香雪堂神效烏鬚藥冬季諷  
經秋爽來學立道堂誠意高香修德居細心堅  
燭四世馬公道膏藥三代王麻子金針經蒙任  
附槽道俱全通天蠟燭道地藥材裱背頂榻兌  
換銀錢細皮薄脆多肉餛飩

居庸關又名冷陁卽薊門關在京師西北數百  
里有彈琴峽壁上石刻西番咒語又有巨石類  
枕刻呂賁隸書仙枕二字路最險峻曩訪張方  
伯逢堯于第五臺曾經其地

太常寺有大蝴蝶通靈解人語翅長茸毛鳥雀  
不能害皆呼爲老道宗室塞爾赫太常寺蝴蝶  
詩引太常寺有蝴蝶黃黑相駁不知其來所自  
五六月至八九月常飛舞於寺中人呼之卽至  
扇上徘徊良久欲延之者告以門巷居址輒先  
至其家不爽朝士多傳其事同人作詩記之詩



云萬里羅浮天一涯奉常清署夢中家誰教片  
影隨風絮不戀濃香宿露花栩栩居然能解語  
悠悠信可共餐霞冰霜尙有寒梅約未入離騷

莫怨嗟鹿泉趙君爲予說至今尙存

比部直隸司員外郎研畚李心耕室人楊鳳姝

吳縣農部楊大琛長女也工詩賦著有鴻寶樓

詩鈔其鳴鳳行甚高古漫錄于此詩云文德遠

被威鳳來翔昔巢阿閣今憩高岡解一百鳥咸寂

一鳴歸昌遨游天際誰與頡頏解二維樹有梧植

山之陽維竹有實生河之梁解三願爾周觀乎大

皇戰翼乎明堂德輝不覽昭嘉祥燦然華國以

文章解四休哉泰運邁虞軼唐和氣所感帝篤之

慶解五來傳帝命其聲鏘鏘祝我聖祚萬億年

長解六其詠園杏一絕亦清雋詩云園柳陰垂弄

夕研小樓聽雨句爭傳數枝紅罨青林外畫出

江南二月天

內閣另有十庫以天干次日之所藏歷代帝王  
及先賢遺像聞尙完好至辛字庫多宋元板書



水曹清暇金 卷一  
大率明文淵閣所遺斷簡殘編惜多錯亂遇有  
檢閱則派漢中書涉手其橐鑰皆滿中書司掌  
焉又有奇書一部凡人八字皆預算定判斷載  
明證之多不爽惜人無由見之

癸未夏予客歐江偕族兄孚遐閒步經一木行  
見有草書壽字板片云係天生色如霧跡得諸  
深山中者細玩信非墨瀋惜未購得之

房山縣甘池在石將軍廟前池中產一目魚長  
僅數寸每于清明節始出石穴游泳縣之西鄉

產石窩稻色白而粒粗其味亦極香美炊以爲  
飴雖時值隆暑歷數日亦不餿

白河在通州城東一名白遂河兩岸皆白沙不  
生青草故名卽通州至天津河也

史記淮陰侯傳歸漢未得知名爲連敖坐法當  
斬徐廣注典客也索隱李奇云楚官名張晏曰  
司馬也究未知誰是

鄒平張萬斛字幼量於長白山見巨黃石頗佳  
以牛三百頭曳歸園中語人曰此似王大癡畫



六曹清暇錄 卷一  
中物又嘗愛一竹根石大不盈寸根節宛然撫  
翫渾不去手

江浙藏書家向推項子京白雪堂常熟之絳雲  
樓范西齋天一閣徐健菴傅是樓朱竹垞曝書  
亭毛子晉汲古閣曹倦圃古林鈕石溪世學堂  
馬寒中道古樓黃明立千頃齋祁東亭曠園近  
時則趙谷林小山堂馬秋玉玲瓏山館吳尺鳧  
瓶花齋及予家開萬樓

黑窑廠與陶然亭接壤都人登高多往遊焉秀  
水盛上舍復初九日與凌大亢宗登高有詩云  
雨霽登高去秋空放眼清西山斜日澹北闕暮  
雲橫縱酒成狂客銷愁仗友生不知故園菊籬  
下幾枝榮縱道秋光好愁眉未得伸有情知望  
遠無定是遊人花瘦江南夢風高冀北塵長吟  
摩詰句佳節倍思親

吏部大堂藤花相傳嚴世蕃所植少宰右署藤  
花相傳吳文定公寬手植



水曹清暇錄卷二

古歙認菴汪啓淑述

謠諺時或應占驗。燕臺新月令亦多確切。然不知誰所造演。其正月云。是月也。厥店開。瓜子解悶。喇嘛打鬼。秧歌鬧于市。自鳴樂奏。闖將入夜。化爲妓烟。九訪仙。和菜填倉。冰始伐。其二月云。是月也。鷄糕祀日。山桃華。城笳鳴春。香會攢印。冰盞鳴陀羅轉。燈車賣豆。塚土加溝。始臭。其三月云。是月也。樂枝紅。丁香白。炕火遷于爐。蘆芽



入饌。蒲根肥。黃瓜重于珍。榆錢爲糕。蟠桃會。靴  
師報祖。其四月云。是月也。民禁屠。佛豆出。芍藥  
王子街。茉莉出窖。馬虎賣。戒壇開。酒肆臨池。妓  
攜伴了愿。蘭蕙來。其五月云。是月也。靈符發。販  
蒜有稅。天壇摸壁。官捕蟾。城隍廟有市。神盆添  
水。甜瓜始脆。角黍弄丸。其六月云。是月也。儀官  
浴象。象始交。果子乾成。棋子香。海茄大于盆。蝎  
始孕。壁虱臭。桃奴出。聞觀菓解。其七月云。是月  
也。蟋蟀居于市。金鐘鳴。學堂開。青蒿結香。瓜皮  
鏤爲燈。砧杵始急。寒衣成。其八月云。是月也。彩  
棚賣餅。人祭兔。鮮菓入窖。渾酒熟。焦色炙于爐。  
蒲桃落架。雙腸貫。其九月云。是月也。青蠅癡染  
坊賑乞。花糕樹幟。婦歸必返。酸棗搗爲糕。西風  
夜吼。地皮白。炕火復燃。其十月云。是月也。歷乃  
頌。鶴鶉居手。蒲簾在戶。羊始市。咕咕入于怀。僧  
道課經。荳腐凍。山兔化爲猫。其十一月云。是月  
也。滑擦聚。冰拖牀。爲渡。黃芽菜皮剝。鹿角解。遼  
貨集。土有禁。苦菜食其根。其十二月云。是月也。



水曹清暇錄 卷二  
二  
莽式演于庭、牕眼出、皮毬踢、太平鼓、伐、儼枝、登架、造化吃、戲園、剪、庖丁爲上客。

嘉興梅里鎮府庠生錢某年六旬外幕游三載一日旋里忽有同學舊友徐姓來訪相見甚歡煮茗談心逾時始別閒向諸子言及某年長我尙爾矍鑠可喜諸子云某已去世半載錢某愕然曰世豈有青天白日鬼能到人家談笑喫茶者乎遂親往徐某家探望果見供有靈座泣拜歎息而返然亦無所害此康熙戊子年事莘園

沈君往歲爲予述

盧溝橋北有元太保劉秉忠墓明嘉靖中爲盜李淮等所發壙石盡勒諸盜名姓官驗得之按名緝捕無幸脫者

吳樹屏少宰女若華名瑛能詩兼工帖括著有芳蓀書屋存稿頗多佳句其螢火一賦儼有六朝風調漫錄於此其賦云當林塘之改夏忽雲物之迎秋愁梧桐之急雨羨菡萏之重樓聞蟬鳴于深徑見蛙躡于淺流對明月而可倚乘涼



風而佇留于是玉露初濃金螢乍聚傍燭疑消  
依人如訴映虛牖而輕飛拂疎簾而巧渡訝星  
落于簷階疑花生于庭樹旣乍高而更低忽如  
散而復布弄雙影于池波撒千燈于谷路爾其  
寒潛暑出暮起朝眠彩輝掩映冷焰聯延點綠  
苔而並豔坐紅袖而分妍擬神火之宵照比明  
珠之夜懸撲畫屏之小扇泛銀燭之前筵戀行  
行而不返似去去以重還至于珠露將消銀河  
欲沒嫋嫋曉風濛濛殘月白去兮自來乍飄兮

乍歇繞井兮如驚弄花兮欲竭惜夜景之漸頽  
對朝光之將發更輾轉于簾櫳似再期于庭闕  
豈如落霞飛後破鏡明初梁棲翡翠烟斂芙蓉  
侵客夢而不熟穿林霧而如虛映玲瓏于楹外  
紛的爍于庭隅繞紅欄之曲折拂翠竹之扶疎  
簷上流金依稀星宿案頭含玉點綴琴書比夫  
紫燕雙飛黃鶯百吐向日呈姿銜花媚嫵弄滴  
溜之好音拂差池之妍羽巢接葉而藏形託橫  
釵而效舞並取力于陽和共爭恩于春雨雖出



沒之惟閒亦形影之自俯詎若英連暮色彩奪  
朝暉熒熒忽散熠熠成圍臨風不滅墮雨仍輝  
跡未欺于暗室光常見于幽扉本無聲兮無臭  
亦載止兮載飛隨昏明兮動息候顯隱兮潛歸  
餘不勝載

山東鉅野縣西鄉比干廟前產無心草云能治  
胃氣痛見縣志

頃周謨王侍御以令祖母楊太恭人父書樓稿  
屬選詢知爲邗溝昭武將軍孫女武功閨闈而

能好文且聞壺範甚嘉因選數篇尙有健句漫

錄於此紅蓼灘頭天欲暮青楓江上客添愁

早雁

階前草色縈烟沒檻外花光浥露浮

文選樓

自有

白雲堪作紙那須采筆已成章

雁字

盛京產樹鷄似雉而小脚有毛味最佳鷄鷄大

如鶴紅頰長頸而高脚

友人羅兩峯聘號花之寺僧考花之寺在山左

沂水縣周侍郎亮工有句云月明蕭寺夢花之

子在浚有花之詞阮亭王尙書分甘餘話云寺



門前多花而路逕曲折如之字故名似不盡然當另於梵經中細考也

四川石泉縣南門外有篾索橋織竹爲索以十股編成長五十餘丈狂風擺蕩泛泛如在波濤中而土人往來如履平地

呂公堂在泡子河邊相近貢院鄉會試年赴試者多祈夢於此相傳頗應驗

不借草鞋也不落酒器也不託炊餅也不聿毛穎也不夜蠻夷地名也

閨秀方壽字蓬客號芝仙比部均堂方君昂之女兄也能詩兼善丹青頃於比部案頭見其芝仙小草中有詠海棠一絕云含烟泣露小樓東脈脈無言媚晚風好似沉香亭畔醉闌干十二倚嬌紅甚有風致

刑部大堂階石上有血影如人形相傳是前明楊忠烈公被拷處流血沁入石中所成

灰洞在涿州北兩傍皆高岡當中如溝車馬蹂碾灰土卽不發風亦終日迷蒙如霧如烟



宋歐陽修詩論以古今諸儒謂來牟爲麥者更無它書所見殊不知毛鄭二家原有所據說文來牟二字蓋取象形耳故廣雅以來爲小麥牟爲大麥也

豐潤縣南關外玉皇閣元時建有六角石塔每角安石龍一條成化中東南角一龍乘雨飛去沙巖寺有十三級塔洪武中雲霧籠塔三日塔忽飛去皆見燕山叢錄

晉法帖中用消息多調攝之意如云卿先羸甚好消息又產後何似宜佳消息參消息本陰陽進退之意猶言順時節適爾今則每代音耗字施之矣

乙未仲秋晦日予偕筍河學士朱筠魚門主政程晉芳瘦銅中翰張墳香涇明府蔣麟書星橋進士顧宗泰草橋訪秋分韻筍河學士詩云乙歲漸凋葉斯秋將畢令連車卽西南清夢自求

魯城角三唐寺橋痕萬福徑

草橋唐萬福寺橋也元改建碧霞元

君廟元宮北偏輝清流西下淨古物有換移空光



得兼併人非往時來游及今朝盛七人野閒步  
一峯天際正芙蓉冷零落淪漣照華靚墓栢疎  
可坐丹竈近宜請小睇桔槔灌旋樂壺杓聖水  
部詩難期騎省字誰政編集辨聲響摹印閱名  
姓清談興不惡溫克飲非營月黑漏欲沉沉深  
巷愁竄低徊增昔懷倘佯適本性秋老勉言游  
風聲從此勁魚門主政詩云城西荷招攜幽討  
愜深願秋朔且更三荷柄猶舞萬一花爲碩果  
特立異柔曼時剩晚荷一枝草香供選坐稼熟幸操券

涼影落茶棚晴烟度瓜堰昔堅漁釣約今名猿  
崔怨治屋擁書眠此念不忘飯衰遲慮弗逮棲  
隱宜及健役役塵中行齷齪牀下巽取閒非偶  
然得寸乃余寸波色蕩山光若爲游客獻晚啓  
最明軒空闊展談論尊罍皆樸拙風露絕纖嫩  
因吟水部詩時讀秀峯近稿用佐金卮勸瘦銅中翰詩  
云商飈逐運起四序以漸終訪秋幸未晚聯禳  
如游蠶閒事亦頗忙早飯多匆匆選勝郊垆外  
乃見西南峯草橋有積水不必江湖通浦禽小



水曹清暇錄 卷二  
格磔疑是天上鴻疎柳十數株已遜看畫工殘  
荷一兩點畧褪頰暈紅及今未彫喪霜信轉眼  
濃人生無百年零落將無同時來矜智囊勢謝  
齊愚公所以賢達人不敢居要衝歸路東道主  
鮭菜堆盤豐明星出林末燈火飛涼蟲不復讓  
三雅而俱拌一中秋窻漫歌歎街鼓又萼萼香  
涇明府詩云索居意不適譬若轅下駒秋光引  
游興忽落城南隅草橋不數里夾岸皆菱蘆老  
菱戀柔蔓寒蟬抱枯株亭亭紅藕花一朶清而

臞賞心不在衆得此足勝無拂茵藉烟草淪茗  
尋邨墟美景赴幽抱隨處隨人娛澄波綠可愛  
漉瀆疑重湖戢戢聚漁婢拍拍飛鳧雛沿流見  
小艇隔水如可呼招之不我顧撥棹歌烏烏遂  
造偃佺宅一訪烟霞徒庭葩方爛漫選勝詎可  
孤夕陽倏在樹暝色生吟鬚翩然賦歸去結軫  
還郊衢主人釀初熟挽客羅梓孟玉山拚醉倒  
不用旁人扶談深夜將半側耳漏滴壺明當屬  
好事請續張爲圖星橋進士詩云出郭卽滄洲



九曹清賦金 卷二 九  
便覺心賞愜郊南徑逶迤十里晴烟接蔓草出  
幽花修柯動秋葉潭淨波且漪荷殘翠猶疊  
緣泣草橋勝引紆游睫橋下通寒流清淺冒菱  
菱遐情緬江鄉願言蕩小艇風來送餘善何必  
茗與雪佇懷古賢者風流渺難躡萬柳雲已空  
匏瓜露徒裒漠漠水田交輕輕鷗鷺喋此閒冥  
塵踪遺趣尙可涉同懷荷招邀雜坐意逾浹天  
澄澹將暮歸軫依斜堞開軒命金尊極歡醉紅  
頰良會安能忘申歌媿妍捷予分得滿字詩云

湛露淨蕭晨佳游清興滿招邀同調人脂車不  
遑嬾一徑越西郊行吟恣疎散柳老惜攀援渠  
清供漱盥小憩藉莎茵消煩催茗盃俄延候禽  
鳴嬌脆勝絲管况多古招提禪扉隨意欵境寂  
市塵銷日午袂衣暖怖鴿繞香臺商飈揚梵瑄  
移策過草橋瑟瑟渚蒲短顧影入激流搖漾波  
紋緩遠樹曳涼蟬聞根恍如浣狎翫憺忘歸狂  
思結高館少亦愛琴書先哲暮楊侃孽帶吐長  
謠茅亭腹聊坦



宋朱新仲詠王嬙詩云當時夫死若求歸凜然  
義動單于府不知出此肯隨俗顏色如花心糞  
土後漢書載王嬙原有求仍歸漢之事新仲竟  
未曾見耶况陷身沙漠阻絕萬里之外焉能自  
主且單于之子耽慕其色欲行胡俗豈任其跡  
是迂儒之見也

俗傳凡人故後計其生年所屬或浹辰或踰二  
旬云其魂復回家專鬼押之稱爲煞神有雌有  
雄攷唐太常博士呂才作百忌歷已有其說而

北方信之尤盛且頗有驗

綠珠姓梁廣西梧州府博白縣人楊玉環本姓  
梁父名維母姓葉亦梧州府容縣人生妃美都  
部署楊康繼爲女楊元琰爲長史見而喜之從  
康復乞爲繼女兩美全府而貞淫判然

蒲桃聞有十餘種而市中只三四樣餘皆充貢  
予見過者數已盈十其一伏池公領孫蒲桃其  
二黑蒲桃其三瑪瑙蒲桃其四哈密蒲桃其五  
瑣瑣蒲桃其六綠蒲桃其七哈密紅蒲桃其八



力曹澤明金 卷二 二  
哈密黑蒲桃其九哈密白蒲桃其十馬乳蒲桃  
惟瓊瓊蒲桃可以入藥痘症內用

吳履字公之坦秀水新坊鎮人鐵筆高古欸識  
絕似何主臣考三字爲字者史記則有程伯休  
甫又張天錫字公純馥劉敞字中原父古時原  
有之者

壽安寺在西山俗稱卧佛寺也唐時號堯率屢  
更其名內塑卧佛二尊一銅鑄滲金一雕香檀  
各卧一殿因如來背痛於雙樹間北首而卧僧

家遂創以新耳目寺有娑羅樹二株甚古葉如  
海桐苞類桐花夏初始放結子鮮紅可愛觀象  
臺一名瞻象臺在內城東南隅高百餘尺與城  
堞女墻並峙上有銅造璇璣玉衡渾天立運簡  
儀占風竿諸器蓋前明英宗仿元時製造其璇  
璣玉衡範銅爲柱以龍承之懸儀于上如尺而  
首尾皆曲有二孔對孔直闕以候中星又有銅  
毬左右旋轉取法天象方函盛之其函四周刻  
作二十八宿真形南面有前明正統年銘臺下



有室中藏量天尺用銅人端立捧之北面室頂開一小穴以候日中測日影之長短中稱紫薇殿殿之傍有銅壺滴漏一器宏治十四年嘉靖二年皆重修整 國朝因舊製而加較准改造故占驗測量得無訛也

北方多蝎時俗相傳春時雷始發聲默將衣帶作一結設遭螫時以結磨之便能止痛

曩年西洋貢使曾獻奇草名僧息底幹譯爲漢音名知時草歷夏秋始敷榮以手撫之則眠踰時而起花葉皆然其眠起之候在午以前爲時五分午後爲時十分此從古以來未有之奇草也

樊素小蠻人咸知白傅侍兒又有紅綃紫綃亦樂天青衣見野客叢書又谷兒菱角見白香山詩集又名春草者見劉夢得詩註

乾隆甲申歲 內廷曾得人形人獲一枝重十餘兩肢體宛然有 御製詩紀之

康熙十七年西洋古里國貢獅子虎豹諸獸皆



畏之 詔廷臣共觀歸安嚴太史我斯有詩後  
逸去由京師出潼關三千餘里路只兩個半時  
辰信神獸也其詩云 皇帝端拱御八極坐開  
明堂朝萬國龍庭鯁海盡輸誠不貴異物貴明  
德爰有神獸毛羣王雄姿特兀金精剛產自西  
域筋骨異獨秉正色含中央銅爪鐵甲目如電  
左顧右盼生光燄有時哮呼發聲響歎山欲野  
林木戰騰躍豈受人羈縻張牙奮鬣形髣髴肉  
視羆虎孩犀象其餘瑣細皆紛披探微妙手九

齡贊百兒驚啼飛走竄何況盤旋親見之巖巖  
巔巔真雄悍吾聞 聖人有道四靈出百獸率  
舞兩階側麒麟在藪白澤游懷仁效義無不集  
當今 天子垂衣裳聲靈赫濯我武揚陳書旅  
葵親虎觀奏賦羽獵罷長楊物無不庭遠自致  
鬣首雕題爭慕義臣妾贊幣理固然示以含容  
非所利此物何爲來遐陬梯山航海多春秋豈  
同白狼誇周滿何如赤豹歌韓侯置之不近耳  
目玩長林豐草遠宮觀殺胎覆巢戒田漁懷柔



服猛勤宵旰安得使之戰陣摧前鋒虎豹股栗  
長戈春征討不王戮後至河清海宴消邊烽  
蹲鴟芋也終葵椎也落酥茄也此皆各處方言  
之不同

藕塘施侍御學濂錢塘人愛書畫尤嗜石山其  
寓中几案之上纍纍皆石山也然奇峭可觀者  
實有四其一靈壁石高約五寸廣約三寸峯巒  
聳削縐瘦透漏皆全其一崑山石號鷄骨片高  
約七寸廣約五寸似美人舞態獨足亭亭其一

英德石高約四寸廣約八寸延袤迤邐絕類沿  
江大山坡陀碕岸皆備左高峯上掛下石脈一  
道恍如瀑布右小溪中又有石脈一線委蛇而  
出宛然溪水巖壑咸具其一瀚海石高約三寸  
廣約二寸有三四洞映帶有致絕類米家山勢  
予每過其齋必靜賞移晷

前明謝方石揮塵詩話云與李西涯齊名著有  
桃溪淨稿盛稱其詠蛙一律腹聯云井底有天  
從侈大月中無地看奸雄但月中是蝦蟇非蛙



也按說文蛙蝦蟇屬本草蛙似蝦蟇而背青綠色尖嘴細腹前漢書五行志武帝元鼎五年秋蛙與蝦蟇羣鬪蓋蛙能鳴卽蝮蟻也周禮禁蛙有官蝦蟇背圓腹臄背黃而癩不能長鳴截然兩種何以方石竟莫辨也

近時宴席不甚重熊掌猩脣而獨貴鹿尾一頭全鹿不過數金而一尾等之蒸熟片食飴盤甚微形似豕脂惟味稍帶甜耳

新羅山在肅州之東仁和老畫師華岳自號新羅山人然身未至其地不知何所取意也

疊韻詩雖有其體然甚無味如溪西雞齊啼之外亦鮮佳者惟杜工部鐵堂峽詩壁色立積鐵於無意中得之殊覺奇古

予子婦陳氏胞妹瓊圃號鋤月仁和縣人善畫工詩早寡故絕口不以文詞示人予於子婦扇頭見其夏日有句云時花繞砌芳迎榻瓦枕何妨隱睡鄉殊有幽味

爲本猴名焉本鳥名不知何以借作語助辭且



水曹清暇錄卷三  
古今人有以爲名者更屬不解

水曹清暇錄卷三

古歛認莽汪啓淑述

乾清宮丹陛之下有洞名老虎洞洞上御街洞  
中甃石爲壁可通徃來明熹宗曾于月夕與內  
侍戲賭迷藏見天啓宮詞注

國子監彝倫堂前古松相傳是元許衡手植諸  
生做紙每季例送光祿寺作麩袋

玉田縣城南五里產玉田沙其泉清淺甘冽沙  
從地湧色白如銀攻王者藉之以琢玉器第盛



水曹清暇錄 卷三  
之必以猪胞若用紙帛雖數十襲亦漏  
熱河西瓜有一種碧色者號琉璃瓦味最甜大  
似哈蜜所產

協辦侍讀中翰張亦棻華萃偶以細故拂金壇  
意勒令告病歸留別同人有詩十章愴惻典雅  
可誦漫錄數章於此其詩云旅食京華閱十春  
西垣長是掌絲綸曾陪鴛鴦誇仙客可許江湖  
作散人臺閣規模雙眼闊師生晨夕數年親自  
慙老秃竽徒濫去住臨風劇愴神一脫朝衫體

便輕思鄉不是厭承明竹竿雖許鮎魚上跛足  
難追老驥行開籠鶴將隨意舞還山猿豈向人  
鳴年來紅芍蒼苔句棖觸離羣折贈情文章敢  
詡中青錢捧得名經已惘然韋杜但瞻天尺五  
鯤鵬猶隔路三千澆愁常借他人酒遣興還吟  
感遇篇最是排雲閭闔廼夢迷何處聽鈞天踏  
遍東華十丈埃倦聽早鼓入蘭臺揮毫共藉書  
生手調鼎終須宰相才貧極微吟渾似病門閒  
舊雨漸稀來劇憐迢遞柴桑里松菊何人歲歲



栽天涯腸斷望江南風月秦淮我最諳新曲未  
妨翻子夜舊人猶想遇何戡司空揣量三宜退  
中散心情七不堪好向草堂吟賞處桃花片片  
柳毵毵回首觚稜近五雲朋簪修爾一襟分旅  
懷拚作歸田賦家祭須焚誓墓文高致我慚陶  
靖節虛名人擬杜司勳臨岐多少蒼涼感詩半  
魂銷酒半醺

孫枝發劉必通京師時下製水筆名手也人肯  
輸二三星易一牀者亦極純妙然不解縛滿鋒

羊毫一種

太醫院有古銅人相傳海中湧出者虛中注水  
關竅畢通用以考驗鍼灸古色蒼碧瑩然射目  
簡儀在瞻象臺元耶律楚材率郭守敬造推步  
索不失銖黍天巧鬼工迨稱絕技

白雲觀有長春宮卽元太祖命處邛真人者真  
人號長春宮因是得名日下舊聞云元長春宮  
有二一在太液池上引王惲清明日遊長春宮  
詩爲據按元太液池卽今白塔山下池也至元



間已爲禁地。輝詩所詠多道家事。元雖崇信佛老之徒。然不應使與嬪妃雜處。且元制遊皇城。在中秋後。若清明亦非學士遊詠禁地之時。輟耕昭儉二錄載元西苑最詳。俱全載長春宮事。竹垞蓋據長春本行碑有浴太液諸語。遂擬議爲之考。廼賢金臺集南城雜詠有西華潭詩。自註金之太液池。則太液池金元實有二處。本行碑所載或非元之太液池也。惜西華潭世遠蹟湮。無由徵信。

頃見湖州閨秀沈省題二如居詩臨江仙一闋頗佳。惜末由得其詩。登之擷芳集也。其詞云。午睡醒來茶熟未。清風淨掃心田。金鑪漫注水沉烟。把君詩一卷。細細讀花前。南望不知相隔遠。美人秋水娟娟。魚書欲寄擘雲箋。問君珠幾斛。才許抵新篇。

劉可成雲南寧州人。隱華蓋山。結廬僅堪容膝。能前知人禍福。晚年辟穀。日惟飲酒。雖履霜卧雪中。而無寒色。年踰古稀。齒髮更生。一日作偈。



云亥時閉子時開七十餘年去復來坐化越七日香軟如生

智上菩薩卽崇禎帝太后早薨追畫御容輒云不似詔照劉文焰貌所畫成者

山東萊州石其色深青然透明光潤卽古之菜玉也人多取爲名印亦有白色者石未出土時性軟見風卽堅或爲鐙銚久堪烹飪味妙於銅鐵器

前明大內猫犬皆有官名食棒中貴養者常稱猫犬爲老爺見筠廊偶筆衛懿公之鶴乘軒不足恠矣荒謬至此殊堪浩歎

丁酉科龔太史大萬及姚宗政梁同主粵西試首題爲斯民也二句某房考得一卷甚佳欲行呈薦夜夢一人告之曰此卷必不可薦其人三破人婚姻大損陰隲薦必不售某以夢寐不之信仍薦之後復夢其人曰某卷係抄襲勾山陳兆崙舊作窗稿中有其文可查也薦而不售其人衣巾尙在薦而獲售援新例必除名汝雖無



大處分何執拘如是耶某以夢白于主司其言  
吾輩識勾山文足徵眼力若置前列恐致人疑  
或遭磨勘附榜末應無害也及到部磨勘者復  
夢如前因以抄襲陳文除名益定數果報不可  
逃也

張相國允隨開府雲南時有女行六許字陳方  
伯德榮之庶子曰藩越十年而藩死女摘環剪  
指以奔喪請母夫人曲致之不可聞于陳氏陳  
氏之叔母在京往而禮辭女衣其喪父之衰服

以見於邑悲號相對酸鼻而不忍言遂赴安州  
送葬哭泣甚哀感動路人旣葬則奉夫主于室  
中朝夕瞻拜時時焚香而砌土甓于其側身自  
居之有嫠婦見而自訟曰女公子也而屏鉛華  
受清苦至于此極喪夫之禮固如此乎吾知守  
節而不知盡禮愧何如之貞女請於君姑以夫  
兄之子繼昌爲後教誨成立弱冠入州庠庚子  
登賢書

玉蘭馬纓皆夜合牽牛鈴兒皆晝合葵能向日



鞠制頽齡不得謂草木無情矣

古來失傳之技擊壤長嘯劍器舞彈棋惜無博雅攷據明晰而興起之

潭柘寺晉名嘉福寺唐名龍泉寺舊志云山多柘故名今無之矣寺中向有盧師所降大小青龍紅篋覆之今亦不見

徐暎玉字若冰吳縣閨秀爲沃田沈大成詩弟子有南樓集且兼學佛臨沒神識不亂起坐說偈云來從梅花來去向蓮花去去來本無心無

相亦無住

各省皆有諱名予所知者江西號臘鷄頭浙江號鹽豆餘俟暇日續訪之

北上路程甚遙所經過州縣又多殊難記憶示我周行太覺瑣碎頃閱前明鄞人張得中大本北京水路歌頗便誦習漫附于此其歌云四明古稱文獻邦望京門外西渡江水驛一程車廐遠舜江樓頭橫石杠新中二壩相連接上虞港內還通楫梁湖曹娥潮易枯大舟小舠重難涉



東關漸近樊江來薰風廿里芙蓉開賀監湖光  
淨如練繞門山色濃如苔紹興城水如碧櫓聲  
搖過蓬萊驛柯橋遠抵錢清灣劉公廟食居其  
間新林白鶴路迢遞日斜始得瞻蕭山夢筆橋  
高對江寺雙塔亭亭各相峙古碑無字草芊芊  
猶羨文通好才思西陵古號今西興越山隔岸  
吳山青錢唐江接海門闊胥潮怒捲轟雷聲杭  
州舊是臨安府藩臬三司列文武坐賈行商寶  
貨煩錦繡街衢百萬戶北出關門景如畫竹籬  
人家酒旗掛臯亭臨平談笑間等閒催上長安  
壩崇德石門逢阜林灣邊三塔高十尋嘉禾却  
過杉青閘黃江小路吳歌吟平望吳江眼中過  
繁華地屬姑蘇郡楓橋尙憶張繼詩夜半鐘聲  
又信疑望亭無錫人烟多旣庶且富聞絃歌瞬  
息毘陵暫相泊奔牛呂城容易過丹陽與丹塗  
鎮江人共游鐵甕城形環上國金山塔影浮中  
流揚子江邊卽江漢浩浩蕩蕩茫無岸甘露招  
提鎖翠微舟人遙指凝眸看一帆送過瓜洲隄



船行迅速如岸移維揚厚土瓊花觀覽游試問  
黃冠師程奔邵伯高郵路界首沿流水如注菰  
蒲深處浴鴛鴦湖浪滔天似潮怒寶應縣寶縣  
湖荒城已廢存浮圖古淮大道通南北物阜民  
康軍餉儲漕運循規事專一密密征帆蔽天日  
桅檣接踵連舳艫舵樓按歌吹篳篥清河口土  
高厚淮陰城臺至今有桃源縣接古城墟宿遷  
旋覺人烟輟直河下邳地漸隆子房圯橋遺舊  
踪馬家淺呂梁洪篙師須倩少年雄壽亭尉遲

古名將金龍之祠屹相向守邦治水各有功來  
往祈神乞陰相快馬船飛莫能遏鑼鼓催瓊號  
聲喝一淺一鋪穿井泉溥濟兵夫往來渴徐州  
踰境山夾溝至豐沛泗亭况對歌風臺臺下每  
驚流水滙沙河谷亭間最難湍流榮回却船退  
南陽棗林次魯橋澎湃水聲翻雪濤師家仲家  
勢亦險新開新后坡尤高石佛趙村頗平靜濟  
寧任城及天井棲草二閘迨開河支山小驛來  
俄頃柳隄金線籠暮烟小河張秋燈火船荆門



阿城各二閘七級上下相勾連周家李家閘流  
急崇武東昌舊城邑楊青臨青當要衝百工紛  
紛共闖集衛河渡口夾馬營故城小市猶傳名  
德州良店連窩城東光新橋從此經沽酒澆離  
愁必與朋簪共夜深風雨打蓬牕五更驚起思  
親夢明朝涉磚河順入長蘆灘乾寧興濟青縣  
關河流靜海楊青站直沽楊村吹便帆河西務  
河合縣灤縣相將廻城域張家灣上趨通州半  
肩行李惟書籍我本江南儒宦游至於此所經

之處三十六所歷之程兩月矣其經水閘七十  
二約程三千七百里薰沐整衣冠肅造鵷班列  
九重紅日麗青天四海奇珍貢金闕賢能輔聖  
朝共享昇平福我曹功成奪錦袍早沐恩波食  
天祿

東瓜木出鳳皇城狀如柳樹皮青肉赤志書稱  
可作硯且甚發墨

湖南永州康熙元年三月雨米其色黑名之曰  
青飢飯人食之可愈疾見省志



治火灼湯泡方用真麻油四兩下蒿苣殼十箇煎黑撈去渣乘油熱時下白蠟二錢便其溶化冷時入輕粉二錢調塗患處立效如神屢試皆驗兵部職方正郎武公調元所傳

海康縣之討綱邨前海嶼之墩上有古樹擁腫槎枒號龍王樹有井味淡號龍王泉天旱酌井中水樹下祭之則得雨見海康縣志

黃石齋先生漳浦縣人登天啓二年進士其家圃中有赤石長數丈大數圍母夫人夢石墜而

誕先生故號石齋誕後石旁生荔枝一株閱十年生實味甘色潤有翰墨香及先生領鄉薦擢南宮登翰林荔枝結實加倍先生殉節後荔枝亦枯見陳鼎荔枝譜及福建通志

雍正十三年四月 盛京遼河得一魚重三百六十觔無鱗刺惟背上有若骨者一行煉其油色赤不知何名

瘞錢起於漢時直以錢瘞冢中至唐王璵祭祀以楮鏹便於焚化然南齊東昏侯好鬼神之術



剪紙爲錢以代幣帛原不始於王璵蓋及唐而盛行耳

祭祀熏壇香名九合蓋用沉香排草降香冰片檀香清遠丁香蘇合油麝香九物內庫合造香甚幽韻

龍蝨形如章郎蝨色深黑羣飛海濱人掩捕得漬以微鹽曝乾閩人多以下酒

節慎庫始於前明嘉靖初年因工部尙書劉麟以四司財物防有侵漁特請設此節慎庫專一

印官理之

聞之者舊云宗室瑤華道人言蒙古某額附嘗射得一狐其後兩足鞞紅鞋足亦弓彎與女子無異

紫筆多用兔毫而東坡間亦用鷄毛筆山谷用猩猩筆唐潘遠西墅紀譚云南朝有老姥用胎髮製筆尤佳則更新矣

北海李邕所書雲麾將軍碑有二其一爲李思訓作在陝西其一爲李秀作在良鄉縣後入都



水曹清用金 卷三  
中被人斷爲柱礎

自來鐘在永清縣譙樓上路史云唐貞觀末桑  
乾河決土人於水次得一鐘篆文斑駁甚有古  
致遂呼爲自來鐘明尚書王遴曾有詩

駱駝遇夏日則必褪毛以避炎暑考相駝經云  
行之善者如龜如龍如馬如蛇如鷹如雁

口外有一種駝懶乳其駒近身則踉蹌之駝駒  
飢欲斃牧駝人有知其性者坐駝旁吹笳作鳴  
鳴哀腔老駝便生憐憫心仍乳其駒

元時塑神像高手劉鑿最工宦亦顯達其所塑  
都門有數處如天慶宮等處是也

長洲沈業師歸愚先生詩多規撫唐人而摹李  
杜頗得神韻其詠物詩亦娟秀清新詠夾竹桃  
詩云柔條灼灼復猗猗翠篠紅芳間一枝似借  
淇園君子德好添南國美人姿迎風含泪憐湘  
女抱節無言訝息媯自是有筠兼有色何妨開  
到薄寒時詠半錢詩云姹女河間數忽停飛蚨  
已破舊時青平分輪郭難成式盡改方員不受



形留得看囊仍是澁縱教使鬼也無靈沈郎榆  
莢依然在圓影垂垂散滿庭

雍正十二年十二月初三日未時山東兗州府  
寧陽縣鶴山毓生瑞麟身長一尺七寸高一尺  
三寸玉定文頂首含肉角鼻準隆起孔若芝雲  
雙瞳炯炯有光眶赤如炬兩耳卓立孔有彩毫  
徧身鱗甲頭頂純綠色自肩脊至尾閭皆青色  
甲紋方圓相綜界畫如圖腹腋悉屬細鱗青黃  
交映甲縫有黃白彩毫長五寸共一十九節通

尾青鱗節縫紅黃色尾尖有黃色彩毫一大縷  
四蹄周整碧潤如玉前趾各有黃毫麕身牛尾  
一角圓蹄茂質華文光彩煥發山左大中丞岳  
濬繪圖志瑞 國朝麟見已非一次頃偶披閱  
此圖因漫錄之

虬龍冢在萬壽山後埋猫處也猫名霜眉嘉靖  
時所畜者毛色青性巧狷嘉靖甚愛之後死奉  
敕所葬

頃見家上湖紀歲詩編該博艱澁甚有可觀漫



摘數篇於左其詠牛詩云眼底髡屯甚洪縻就  
手牽共牢輸馬橫下括讓羊先努力食細草低  
頭耕大田純離誰爲爾齋角掛殘編其喜晤金  
質夫卽送之保定詩云聽傳吉語自盤山纔攝  
驚魂已破顏人別十秋幾永訣身回九死竟生  
還星行望國霜天外旦起治城土石間好去力  
田歸有日感深安得畏投艱其晚抵臨清得盧  
司臬札詩云會通河曲暮烟凝釀雪雲抵水欲  
冰孤塔岸移迷語鐸遠帆桅動鮎懸燈置郵轉  
忽傳魚網得神綾

張家灣之名起於元時因萬戶張璧督海運至  
此故名在通州南十五里

習俗掘井之法先去浮面之土尺許以艾作團  
取火炷而炙地視其土色黃則水甘白則水淡  
黑則水苦凡見黑則易其地而掘

康熙三十八年崇文門內東四牌樓地方生意  
最盛一日忽有道士手掇燒餅一筐挨戶搥賣



每至一家輒云買大火燒三日後突遭回祿道人所至之家靡不焚燬東西南北四座牌樓相距各數箭遠火星飛延一時俱爲灰燼道人亦不復見

鯊魚子從口生出大者能變爲虎爲鹿其皮堅利可爲鎧可爲鞞肉粗淡而無味其翅去骨入饌殊妙

前明門狀名紙皆用白者通籍後遇元旦賀壽用紅位尊則平時皆用紅矣今時人初入泮尙用白柬過此全然用紅而山人布衣墨客恬然用之

八人轎乃南齊書明帝諸子江夏王所乘八摑輿也今人每錯會意以八轎爲八座

市中所貨取燈兒卽古稱引光奴也剗薄木片蘸以琉磺得火便然殊多利便

良鄉縣南城下舊傳戛地有聲祝祝如鷄呼雛邑志所載爲八景之一城脚鷄鳴也



水曹清暇錄卷四

古歛認莽汪啓淑述

客有貿易江右歸云聞康熙戊申年間南昌驛  
旁一僧菴頗饒水竹勝有西人樂之薙髮留居  
焉然寡言語日惟面壁如是數載一旦沐浴禮  
佛辭長老云當涅槃遂趺跏菴前鼻間迸火自  
焚俄而頂中飛出白鶴高翔雲際盤旋久之里  
人悉見南昌監司周體觀曾有化鶴記

古人詠蝦醬蟹醬詩極少新城王阮亭有二絕



雖只輕輕帶做亦殊不惡其蝦醬云香稻惟宜  
鄭宅茶清流挑菜煮黃芽東堂不乞殘鵝炙自  
擣廉姜謝豹蝦其蠓醬云外骨何須詫兩鉗寄  
同蚶醬味能兼稻黃蘆白秋風岸夜火沙頭候  
蠓簾

天主堂在阜成門內東隅西洋人奉耶穌教者  
明利瑪竇自邏巴國航海九萬里入中原萬歷  
間賜第於此居之堂中佛像用油所繪遠望如  
生器皿頗光怪陸離

仁和吳司馬廷華義羸行蓋感王一位事而作  
也一位鹽山縣人乾隆二年閏九月於寶坻貿  
易歸經天津挾重資早行至高沙嶺爲盜所害  
劫資去一位所乘羸急歸宿店以首擊門店主  
啓戶視之羸哀嘶若訴牽置廐中不食芻豆因  
疑之曰爾如有冤可導我去羸隨躍出戶奔至  
一位尸所店主其鳴之官懸賞購得真盜繩以  
法其義羸行詩云高沙嶺頭霧四塞北風森森  
殘月黑野店有客挾重資跨羸出門未辨色長



鞭策羸羸不行羸有戒心難自明荒雞聲裏強  
就道暗中忽有金鐵聲客素能兵力稱最不料  
危機伏意外抽刀擊賊身忽顛賊鋒已中客要  
害囊貲席捲刺客屍客屍卧血紛淋漓陰房鬼  
火慘林木舊鬼歡迎新鬼哭新鬼哭人不聞義  
羸怨氣欲遏雲衛主愧乏侍中血口不能語心  
如焚報讐須向賊巢去恐爲賊拘不敢遽道旁  
四顧重躊躇忽記昨宵曾宿處回來走撞宿處  
門主人驚起燈燭昏開門認得前客騎胡乃背

主獨反奔懷疑姑令暫入廐廐下尙存昨棧豆  
羸方滴淚堅不食怒嘶不翅獅子吼朝來吼聲  
驚四隣對羸無策相咨詢就中鄉老號有識知  
羸當有怨欲伸謂羸此豆爾且啜爾宛我當爲  
爾雪轉呼同伴走前途途遇客屍認模糊先是  
客家夢客報尋跡至此逢鄉老八邑急啓大令  
知大令已若神告之懸賞大索不旬日爲客獲  
盜歸其貲家人語羸羸得意飽食欲隨客入地  
一時圍阜控勒嚴雙睛尙灑臨風淚嗚呼噫嘻



此義羸與人一心久不磨昔聞蘆臺有義犬與  
羸毋乃稱同科老夫執筆重大義敢擬玉臺龍  
友之雅歌

湖廣閨秀張秀字惠中和阮亭三絕句乃雍益  
集板橋官渡塾巾亭三絕句也惠中薄命詞三  
十首爲時傳誦內有記得新恩明似鏡會梳高  
髻插金簪之句

火房蓋以宿窮民無被褥者及流丐人屋內泥  
塗昏糊使無纖隙積鷄毛二尺許人宿其中可

免僵凍

寧波府城內天一閣明嘉靖時范司馬東明藏  
書處也予因祝吳軍門進義壽至其地借全編  
修祖望曾登覽焉隣人相傳閣上常有光怪書  
雖富而蟲傷鼠嚙者甚多

腐乳題詠甚少阮亭王尙書一絕不落瞿謝窠  
曰其詩云黃羊紫蟹解傷脾濁酒年來亦懶持  
才喜紅蓮香稻熟黎祁又著淡胭脂

郝伯常有天賜夫人詞因成都莘氏於中秋夜



水曹清野金 卷四  
被風吹至梁家相隔五千餘里人皆以爲天賜  
因成夫婦又山東新城縣王氏先世嘗傭工於  
人家一夕大風晦暝有女子從空而墮自云邢  
氏相隔五百里餘主人以爲夙緣令偕伉儷又  
山西汾州羊子壽於大風中墮一女子於其庭  
自云秦氏家在真定竟爲室焉何彼蒼之屢爲  
蹇修而不憚煩也

正月八日俗傳諸星下界京城內外菴觀寺院  
僧道多攬檀越施主年庚陳設祭品爲壇而禳  
冀得香儀亦有本家庭院燃燈自祭燈數以百  
零八爲度間亦用四十九盞習以爲常

邵武府治有大石榴樹科場之歲士人視其結  
實之數以占登第多寡頗著靈驗

草衣道人王微字修微江蘇揚州人參禪有得  
壽最高 國初尙存予故選入擷芳集頃又見  
其所著樾館詩選佳句頗夥附錄於此其偶作  
詩月涼山氣淨風斷雁聲孤吳江舟次半窻殘  
月夢幾樹斷烟愁雪夜小泛灘聲疎落雁鬼火



九曹清明金  
怯啼鳥閒居窻暝從雲宿庭虛待月行汪夫人  
以不繫園詩見示賦寄春隨千嶂曉夢借一溪  
烟閒步菊荒籬影澹葉積澗聲微咸有思致殊  
可誦也

功德寺在西湖極西中有字碑二其一乃番字  
又有刻絲觀音一燈板菴禪師又有木球能供  
役使今皆不存

江都縣四望亭北有螃蟹巷巷之居民某嘗得  
一蟹不忍置諸湯鑊聽其郭索于砌下歷月餘  
其妻與所私者殺某瘞床下詰朝縣令方據案  
判訟牘蟹忽援堦而上令素精察疑此必有鬼  
憑之者因諭之曰如有冤當命卒隨偵之蟹下  
堦出卒踵至其家蟹直入床下卒發地得屍令  
鞫論姦殺之男婦如法蟹竟不復知所往居人  
異其事以甄鐫蟹箴巷壁巷緣此得名今甄蟹  
宛在雖歲久不少剝蝕

騶虞詩經傳曰獸名白虎黑文山海經云騶虞  
五采畢具尾長於身乘之日行千里騶虞可騎



奇甚騶吾騶牙是一獸聲相近而字異耳

大朝午門之外陳設象輦馬輦步輦各儀從鹵簿及象馱寶瓶對象立柱其用象非獨取以壯觀蓋象性馴雖獸屬而通人意其先後皆有序次卽食料亦有品第羣臣進午門畢則交鼻作闌退朝樂作始解

宛平王相公怡園在米市御街跨連爛麪諸御術極宏敞富麗竹垞朱檢討有同陸元輔鄧漢儀毛奇齡陳維崧周之道李良年諸徵士讌集

怡園詩六首其詩云北斗依城近南陔選地偏綵衣逢暇日珠履託羣賢山擁墻初亞林疎徑屢穿身隨沙際雀飲啄到平泉石自吳人壘梯懸漢棧牢白榆星歷歷蒼蘚路高高宛得棲林趣渾忘步履勞下山無定所隨意各分曹澗白泉初徙籬金菊未枯夕曛含畧約亂石點檣蒲密坐千人許迷塗八陣俱不因爨烟細何處覓行厨風磴雙亭外疎藤蔓十尋龍蛇寒自螿鳥雀暮長吟待結干花墜應同萬柳深隔林催未



起獨坐想濃陰屢滿西南戶堂臨上下洄落成  
凡幾日勝引喜先陪監史新圖格壺觴舊醞醅  
謝公能賭墅會見捷書來小閣簷端起虛窓樹  
杪憑忽驚黃屋近更繞翠微層九日今年悔諸  
公逸興能尙書期可再雪後轉須登

夜明木多產北京山澗中蓋倒木在水歷久不  
朽夜則明如聚螢竹垞朱檢討有賦

房山縣有上方山由孤山口經石梯而登石梯  
卽就山石畧加斧鑿僅容半趾山勢甚陡兩邊

故垂鐵絙便人攀援竹垞朱檢討有詩云山心  
夜不寐凍雀喧前窗香厨卯飯熟傑閣晨鐘撞  
柅車束櫪馬各雇輿丁雙彎環柳捲椅夾以棗  
木扛舍村入坡陀百折循崆峒萬古此積石山  
農絕耕耨短松走長根老樹撐空腔徑盡緣仄  
磴險過梯雲杠置身縹緲間若掉都盧橦層軒  
坐僧榻喘定心猶懍山頂稍平堯率院居其中  
央竹垞詩云幽燕古奧室堯率居中巖花宮七  
十二下上東西嵌六時響魚鼓四面圍筠杉沙



泉細流續石壁遺經劓欲探乳穴勝改著短後  
衫其中路窈糾其外雲封緘百千羊須珠徃徃  
垂龍銜所嗟脚力弱畏此高嶄嶄山僧飯我腹  
朴野言多僂嗣歲期重過同把黃獨饒左邊山  
下一斗泉頗清冽竹垞詩云昔尋一斗泉俯睨  
千花塔壯歲不知疲三日行兩巾重來筋力倦  
十五換僧臘已拚百骸困猶幸半踵納崖傾旋  
曲蝸石扁鏤文蛤雨暘迭晦明龍虎互垂合忽  
焉松門在茅屋向斜搭短綆汲澄泓微風吹颯

沓精廬憺忘歸惜未攜酒榼向下招游朋仰視  
笑不答山有十三洞遊甚艱難然舊傳洞中石  
肖龍虎鐘鼓羅漢靈芝蓮花不一而足洵乎奇  
境也

唐李賀字長吉隱居昌谷晨出命小奚奴負一  
布囊得句卽投囊中暮歸再足成之故曰奚囊  
宋張文潛春遊昌谷訪長吉故居有句云惆悵  
錦囊生遺居無復處則又可稱錦囊矣

遵化縣石門峽有石將軍聳立峽西崖上儲巉



詠石門峽石將軍詩云精爽千年護石門晚風  
黃葉亂山村時危暗灑英雄淚貌古全無斧鑿  
痕故壘夜嘶惟石馬老兵秋醉只匏尊望夫多  
少山頭婦不似將軍殿塞垣至今尙存

縱囚復歸人皆知唐太宗事而後漢中山相戴  
封已先行之矣見後漢書獨行傳

懷柔縣有紅螺山去縣北約二十里頗高峻有  
泉一線湧如噴珠故名珍珠泉潭中二螺殷紅  
色入夜時吐光燄故得名麓有資福寺金朝皇

統初所建

晉傅咸有回文反覆詩溫嶠亦有回文詩故竇  
滔壽蘇氏效而織錦回文焉回文實非起於蘇  
氏宋張睽妻侯氏又繡迴文龜形詩進上賜綃  
三百疋

枇杷山在豐潤縣北三里許或云琵琶山蓋以  
形似稱之耳山土潔白如粉可擦銅錫器可飾  
屋壁

李玉谿詠賈誼詩云可憐夜半虛前席不問蒼



生問鬼神議論正而意新又切本人事真學杜  
之入室高弟也

仰山寺有明姚少師廣孝畫像其自題贊云這  
個禿厮忒無仁聞名垂千古不值半文惜自悟  
之晚也

辰者日月會次之名歲有十二故分爲十二次  
古者列國各以其國所屬分野占徵祥周禮保  
章氏註星紀吳越也元枵齊也娵訾衛也降婁  
魯也大梁趙也實沈晉也鶉首秦也鶉大周也

鶉尾楚也壽星鄭也大火宋也析木燕也疏云  
吳越在南齊魯在東今歲星或北或西不依國  
地所在者此古受封之日歲星所在之辰國屬  
焉故也然此十二國分野乃古堪輿所傳尙有  
諸國苗夷亦同照臨不過大畧舉之耳其用之  
人事者則有十二辰之名所以紀月數其命名  
之義則取陽氣之出入升降以成歲功者爲言  
後人以此布列於天以代十二次以紀月建及  
日所加之時故十二時亦謂之辰焉又北極謂



水曹清暇錄 卷四 二  
之北辰又日月星謂之三辰四時謂之五辰又  
水星謂之辰星又房心尾三星謂之大辰

前明米仲詔園有三處曰湛園在西長安門曰  
漫園在德勝門曰勺園在京西海淀

于少保謙祠在崇文門裱背巷卽公故宅也公  
被害係天順元年復官係成化二年初謚肅愍  
改謚忠肅

壽安寺在西山半道金章宗費數百萬帑金營  
八院有巨石獸蹲踞臺下者名清水院泉聲錚

琮古木葱蒨最幽勝幾忘身之在冀北也章宗

又冶銅五十餘萬觔爲佛像設寺役率七千人

御史觀音保鎖咬兒哈的迷失等極諫皆棄市

壽安山上有章宗手植古松經今五百年尙蒼

鬱離奇初白查慎行有詩云壽安山頭一老松

從下仰視青童童羽衣僊人擁蓋立柄短却作

傴僂容我思躡屩苦無伴范老興到許我從婆

娑初自枝亞入中乃可置一畝宮四傍四枝分

四面側理橫出交蓬鬆東西南北不相願意到



各自成虬龍中間大枝裘挈領高勢一攬收羣  
雄其旁峭壁截牙角直下千尺方藏鋒蒼髯翠  
尾掉空際蜿蜒飲澗天投虹千山萬山似搖動  
鱗甲未斂雲濛濛須臾夕陽轉西麓脇下叟叟  
生微風一聲老雀忽飛出竽籟散入隄菴鐘老  
僧指似時代古手植傳自金章宗是時朔南罷  
兵革貢使一一舟車通明昌泰和號極治擊毬  
詐馬習俗同近郊亭館恣遊宴逐獸不入深榛  
叢遺山野史有深意國亡事去忍更攻孤臣飲

泣記舊恨肯畏後世譏不公洗粧樓空春月白  
射柳圍廢秋花紅一朝故物獨留此鬱鬱幸自  
蟠蒼穹爾來四百四十載坐閱桑海如飄蓬輪  
困差堪伍社櫟瀟灑獨足驕秦封君不見報國  
門前數株樹託根悔落塵埃中

麻姑有四人一降蔡經家與王方平談道一石  
勒時麻秋女於望仙橋飛昇亦名麻姑一政和  
中建昌人於姑餘山得道亦名麻姑一畊餘雅  
銀云麻姑姓黎字瓊仙唐時放出宮人也



各部題本歷敘原委不無繁冗故設貼黃字數毋許踰百考唐制已有貼黃二字蓋施於詔敕耳前明崇正年間輔臣李國楫奏行撮黃之式始爲定例

天台縣向多楸柚土人有巧思者湊接成几椅最爲古雅近見琉璃廠有以鹿角鑲成椅者殊爲創見爲之眼新

痛父死於非命每誦哀哀父母輒爲流涕門人爲廢蓼莪之篇不僅晉王裒一人也南史顧歡早孤讀書至哀哀父母生我劬勞便執書慟哭受學生徒遂廢蓼莪

羅丹麀鹿蹄腕骨也偃仰橫側四面各不相同琢磨瑩潤如玉蒙古女婦嬰童團坐持四枚隨手拋擲爲戲擲如各得一色則爲四色全具以此分勝負焉卽穴骼之遺意耳

唐侃綠旗人曾隨大將軍費楊古出征昭木多頗有功雖在軍營猶挈琴不廢操縵撫弦及凱旋雍正年間賜以副都統銜准予告居西山下



相傳品甚高雅性愛潔有儒者風今上曾幸其廬賜詩褒寵焉

高粱橋至圓明園香山夾河兩岸近開水田已  
有二千餘畝并連康熙雍正年間所墾爲數更  
多而豐臺穿池築塘亦倍於昔故魚蝦市中不  
斷菱藕肥嫩宛似江南惟少芡盤耳

近時發藍器皿顏色華美製造精緻直可方駕  
景泰然工本甚昂四五寸高花瓶須二金餘資  
本方成

大內有天然樹根筆筒中函石子可轉動而不  
可出洵逸品雅玩也聞係前浙江大中丞熊公  
學鵬所進

二十年來士大夫皆尙黑柿漆扇乳金字畫近  
則復古用白帑然尙未行純金面

醉龍前漢蔡邕也潛龍後漢馬畧也卧龍三國  
諸葛亮也鉄龍北宋謝德權也獨眼龍五代李  
克用也不睡龍五代錢鏐王也義龍齊釋惠榮  
也班龍鹿也玉臂龍藕也稚龍鯉魚也



辛卯歲祝 釐客都門率爾偕衛訥旃喬鷗邨  
遊西山戒壇諸勝宿於潭柘寺分韻賦詩夜午  
寒甚予時初病起行笈失帶長毛大裘因借僧  
衣披之訥旃咲謂予曰大類宋釋可久陪東坡  
遊孤山事

鋪首似卽今之獸頭環取龍生九子之一飾於  
門戶以辟不祥而兼守禦之意故長門賦有擠  
玉戶以撼金鋪轉噲吟而似鐘之句蓋環扣之  
有聲也

西湖捏鉢湖裂帛湖卽今之昆明湖也裂帛泉  
在華嚴寺北泉出石壁作裂帛聲故名寺左有  
洞曰翠華中間天生石牀可以小憩古來題詠  
甚多苔蝕惜乎不可卒讀

周元通寶古錢握之可禁瘧兼治難產見周櫟  
園書影

明李文正公東陽字賓之墓在城西畏吾村冢  
前有白石巨碑後裔貧乏搗碎售與販鹽者攬  
和以賣矣



錢全  
公

錢全  
公





